

在家菩薩戒本

衆生受佛戒 即入諸佛位
位同大覺已 真是諸佛子

大姥山平興寺恭印



平興寺法物流通處
www.pxs.cn



若受在家菩薩戒
應每半月誦一次

在家菩薩戒本

太姥山平興寺 恭印
二〇一六年二月吉旦

戒如明日月，亦如瓔珞珠。
微塵菩薩衆，由是成正覺。
一切衆律中，戒經爲上最。
如來立禁戒，半月半月說。

在家菩薩戒

錄自大正藏

《優婆塞戒經·受戒品》

(一) 六重

一、不殺生

善男子，優婆塞戒，雖爲天女，乃至蟻子，悉不應殺。若受戒已，若口教殺，若身自殺，是人即失優婆塞戒。是人尚不能得暖法，況須陀洹至阿那含。是名破戒優婆塞，臭優婆塞，旃陀羅優婆塞，垢優婆塞，結優婆塞。是名初重。

二、不偷盜

優婆塞戒，雖爲身命，不得偷盜，乃至一錢。若破是戒，是人即失優婆塞戒。是人尚不能得暖法，況須陀洹至阿那含。是名破戒優婆塞，臭、旃陀羅、垢、結優婆塞。是名二重。

三、不虛說

優婆塞戒，雖爲身命，不得虛說我得不淨觀至阿那含。若破是戒，是人即失優婆塞戒。是人尚不能得暖法，況須陀洹至阿那

含。是名破戒優婆塞，臭、旃陀羅、垢、結優婆塞。是名三重。

四、不邪淫

優婆塞戒，雖爲身命，不得邪淫。若破是戒，是人即失優婆塞戒。是人尚不能得暖法，況須陀洹至阿那含。是名破戒優婆塞，臭、旃陀羅、垢、結優婆塞。是名四重。

五、不說四衆過罪

優婆塞戒，雖爲身命，不得宣說比丘比丘尼優婆塞優婆夷所有過罪。若破是戒，是

人即失優婆塞戒。是人尚不能得暖法，况須陀洹至阿那含。是名破戒優婆塞，臭、旃陀羅、垢、結優婆塞。是名五重。

六、不酤酒

優婆塞戒，雖爲身命，不得酤酒。若破是戒，是人即失優婆塞戒。是人尚不能得暖法，况須陀洹至阿那含。是名破戒優婆塞，臭、旃陀羅、垢、結優婆塞。是名六重。

(一一)二十八輕

一、不能供養父母師長

善男子，如佛說言：若優婆塞受持戒已，不能供養父母師長，是優婆塞得失意罪。不起墮落，不淨有作。

二、耽樂飲酒

若優婆塞受持戒已，耽樂飲酒，是優婆塞得失意罪。不起墮落，不淨有作。

三、惡心不能瞻視病苦

若優婆塞受持戒已，惡心不能瞻視病苦，

是優婆塞得失意罪。不起墮落，不淨有作。

四、有乞者不與

若優婆塞受持戒已，見有乞者。不能多少隨宜分與，空遣還者，是優婆塞得失意罪。不起墮落，不淨有作。

五、見四衆不能迎拜問訊

若優婆塞受持戒已，若見比丘比丘尼，長老先宿，優婆塞優婆夷等，不起承迎禮拜問訊，是優婆塞得失意罪。不起墮落，不淨有作。

六、見四衆毀戒心生憍慢

若優婆塞受持戒已，若見比丘比丘尼，優婆塞優婆夷，毀所受戒，心生憍慢言：我勝彼，彼不如我，是優婆塞得失意罪。不起墮落，不淨有作。

七、月六齋不加受八戒供三寶

若優婆塞受持戒已，一月之中不能六日受持八戒，供養三寶，是優婆塞得失意罪。不起墮落，不淨有作。

八、不往聽法

若優婆塞受持戒已，四十里中有講法處，不能往聽，是優婆塞得失意罪。不起墮落，不淨有作。

九、受僧物

若優婆塞受持戒已，受招提僧卧具床座，是優婆塞得失意罪。不起墮落，不淨有作。

十、飲有虫水

若優婆塞受持戒已，疑水有虫，故便飲之，是優婆塞得失意罪。不起墮落，不淨有作。

十一、嶮難獨行

若優婆塞受持戒已，嶮難之處，無伴獨行，是優婆塞得失意罪。不起墮落，不淨有作。

十二、獨宿尼寺

若優婆塞受持戒已，獨宿尼寺，是優婆塞得失意罪。不起墮落，不淨有作。

十三、爲財打人

若優婆塞受持戒已，爲於財命，打罵奴婢，僮僕外人，是優婆塞得失意罪。不起墮落，不淨有作。

十四、殘食施四衆

若優婆塞受持戒已，若以殘食，施於比丘、比丘尼、優婆塞優婆夷，是優婆塞得失意罪。不起墮落，不淨有作。

十五、畜猫狸

若優婆塞受持戒已，若畜猫狸，是優婆塞得失意罪。不起墮落，不淨有作。

十六、畜牛羊等

若優婆塞受持戒已，畜養象馬牛羊駝驢一切畜獸，不作淨施求受戒者，是優婆塞得失意罪。不起墮落，不淨有作。

十七、不儲蓄三衣鉢杖

若優婆塞受持戒已，若不儲蓄僧伽黎衣鉢錫杖，是優婆塞得失意罪。不起墮落，不淨有作。

十八、田須淨水

若優婆塞受持戒已，若爲身命，須田作者，不求淨水及陸種處。是優婆塞得失意罪。不起墮落，不淨有作。

十九、物價令平

若優婆塞受持戒已，爲於身命，若作市易，

斗秤賣物，一說價已，不得前却，捨賤趣貴，斗秤量物，任前平用。如其不平，應語令平。若不如是，是優婆塞得失意罪。不起墮落，不淨有作。

二十、非處時欲

若優婆塞受持戒已，若於非處非時行欲，是優婆塞得失意罪。不起墮落，不淨有作。

二十一、偷官稅

若優婆塞受持戒已，商估販賣，不輸官稅，盜弃去者，是優婆塞得失意罪。不起墮落，

不淨有作。

二十二、犯國制

若優婆塞受持戒已，若犯國制，是優婆塞
得失意罪。不起墮落，不淨有作。

二十三、新食不供養三寶

若優婆塞受持戒已，若得新穀，果蓏菜茹，
不先奉獻供養三寶，先自受者，是優婆塞
得失意罪。不起墮落，不淨有作。

二十四、不聽僧止作

若優婆塞受持戒已，僧若不聽說法贊嘆，

輒自作者，是優婆塞得失意罪。不起墮落，不淨有作。

二十五、不路讓僧前

若優婆塞受持戒已，道路若在比丘沙彌前行，是優婆塞得失意罪。不起墮落，不淨有作。

二十六、僧食不公分

若優婆塞受持戒已，僧中付食，若偏爲師選擇美好，過分與者，是優婆塞得失意罪。不起墮落，不淨有作。

二十七、養蠶

若優婆塞受持戒已，若養蠶者，是優婆塞得失意罪。不起墮落，不淨有作。

二十八、路遇病不能視矚

若優婆塞受持戒已，行路之時遇見病者，不住瞻視，爲作方便，付矚所在，而捨去者，是優婆塞得失意罪。不起墮落，不淨有作。

護善天尊陀律法護無兩



普為

出資
讀誦
受持
流通

願以此功德 消除宿現業
增長諸福德 圓成勝善根
所有刀兵劫 及與饑饉等
悉皆盡滅除 人各習禮讓
讀誦受持人 輒轉流通者
現眷咸安樂 先亡獲超升
風雨常調順 人民悉康寧
法界諸含識 同證無上道

倡印：太姥山平興寺

整理：平興寺學戒堂

地址：福建省福鼎市太姥山鎮

郵編：三五五二〇九

電話：（〇五九三）七二七七 一八六 客室

（〇五九三）七七七七 五九〇 流通處

傳真：（〇五九三）七五八八 八八〇 客室

網址：<http://www.pxs.cn>

電郵：pxs@pxs.cn

界詮法師博客：<http://jie.pxs.cn>

開本：六十四開

印數：壹萬冊

版次：佛曆二五五九年

公元二〇一五年

二月吉旦 二版一刷

本寺絕無托人對外募款，特此敬告。
若隨喜助印，敬請使用郵政匯款。